

DROGA-MENPEKOTASUNA. Granadan (Espainia) abiatuko duten mota honetako programan parte hartuko dute

Heroína banatzeko programa 2003an jarri nahi du abian Eusko Jaurlaritzak

Euskal drogazaleen profila eta beharrak zehazteko azterketa egingo du aurten

Gorane Agirre | BILBO

Eusko Jaurlaritzak urtebete barru abiatu nahi du metadona programetan kale egin duten drogazaleei heroína banatzeko programa. Banaketa modu terapeutikoan eta medikuak gainbegiratzuz egingo da. Horrela adierazi zuten, atzo, Javier Madrazo Gizarte Gaietarako sailburuak eta Gemma Calvet Droga-menpekotasun zuzendariak.

Era berean, datozen bederatziz hilabeteetan programa horri eta higie-ne-osasun kontsumorako aretoak zabaltzeari buruzko txosten bat landuko dute, «benetako premiak» ezagutzeko.

Txostena jorrazteko Osasun Sailak eta Droga-menpekotasunen Zuzendaritzak osatutako batzordea eratu dute. Era berean, Andaluziako Juntak hilabete barru Granadan abian jarriko duen heroína banatzeko programan ere parte hartuko dute.

EAJ, EA eta IU-EBk ostegunean aurkeztutako zuzenketa bat onartuz, Eusko Legebiltzararako Gizarte Gaietarako Sailak sustatzen duen droga-menpekotasunen politika «bermatu» zuela adierazi zuten Madrazok eta Calvetek.

Egun berean, PSE-EEk proposamena aurkeztu zuen, Jaurlaritzak heroinaren banaketa terapeutikorako programa esperimentala abiatu dezala eskatzeko, baina Eusko Legebiltzarak atzera bota zuen. Ostera, ontzat eman zuen gobernuaren zuzenketa. Testuan gaia aztertzea eta «beste herrialde batzuetan lantzen ari diren programen balorazioa gaurkotzea» galdegin zuten.

«Drogazaleen bizi-kalitatea hobetu»

Madrazok gogoratu zuenez, Osasunerako Munduko Erakundearen txostenaren arabera, heroína banatzeko programak «drogazaleen bizi-kalitatea hobetzen dute, drogarekin lotutako delinkuentzia eta gizarte bazterketa murrizten dute, eta gizarte eta laguntza baliabideetara hurbiltzen ditu pertsona horiek».

Programari esker legegintzaldi honetan «emaitza garrantzitsuak» lortzeko desioa azaldu zuen Madrazok. Era berean, halako proiektuak Medikamenduaren Espainiako Agentziak onartu behar dituela jakinarazi zuen.

Bestalde, Droga-menpekota-



MARISOL RAMIREZ / ARGAZKI PRESS

Gemma Calvet eta Javier Madrazo, atzoko agerraldian.

sunen Zuzendaritzako teknikari batek Andaluziako Juntak abian jarriko duen programan parte hartuko du bi hilabetez. Calvetek balorazio ona egin zuen partaidetza horretaz, «EAEn landu daitezkeen esperientziak hurbiletik ezagutuko direlako».

Eusko Jaurlaritzak egingo duen txostenak, berriz, heroinaren banaketa programan parte har dezaketen drogazaleen profila eta kopurua finkatuko ditu, programa era egokienean aurrera eraman ahal izateko. Calvetek adierazi zuenez, egun ez dago daturik «ez drogazaleen kopuruaz ez horien ezaugarriez. Hala ere, badakigu drogazale kopuru handi batek ez duela emaitza onik lortzen metadona programekin; ondorioz, bestelako esku-hartze terapeutikoen beharra dute».

JAVIER MADRAZO

Gizarte Gaietarako sailburua

«Ekimenok drogazaleen bizi-kalitatea hobetu eta gizarte zerbitzuetara hurbiltzen dituzte»

GEMMA CALVET

Droga-menpekotasunen zuzendaria

«Drogazale kopuru garrantzitsu batek ez du emaitza onik lortzen metadona programekin»

OSASUNA. Gaitza dutenen hilkortasun tasa jaisten ari da, eta %23an dago

Bularrekoa da Gipuzkoan, Bizkaian eta Araban emakume gehien hiltzen dituen minbizia

Europa Press | BILBO

Bularreko minbizia da Gipuzkoako Arabako eta Bizkaiko emakume gehien hiltzen dituen minbizia, bai eta emakumeen artean gaitz ohikoena ere. Eusko Jaurlaritzako Osasun Sailaren arabera, hala ere, gaitz horrek eragindako hilkortasun tasa jaisten ari da, eta egun %23koa da.

Osasun Sailaren txostenak jasotzen duenez, minbizia da —bere forma guztietan— Euskal Autonomia Erkidegoko osasun arazo nagusia. Hori dela-

eta, Osasun Sailak Minbiziaren Erregistroa sortu zuen 1986an, Minbiziaren Prebentzio eta Kontrol Osorako Plangintza abiatzeko asmoz.

Plangintza horren barruan, 2000. urtean 99.739 emakumek egin zituzten frogak autonomia erkidegoko hiru probintzietan. Horien artean, 76.472 mamografia egin zituzten osagileek, eta 312 minbizi kasu atzeman zituzten; %4,2koa da, beraz, frogatik egiten duten emakumeen artean bularreko minbizia dutenen batez bestekoa.

Bestalde, Osasun Sailaren txostenak dio ebakuntzen hiru laurdenetan posible izan zela gaitza gainditzea, emakumeari bularra moztu gabe.

50 eta 64 urte arteko emakumeak

Osasun Sailaren plangintza 50 eta 64 urte arteko emakumeei zuzenduta dago, eta adin horietan dauden emakumeen %80k egiten dituzte Osakidetzako frogak. 1995ean abiatu zen bularreko minbizia kontrolatzeko kanpaina.



Gobierno de Navarra
Nafarroako Gobernua

MILUZE EUSKALTEGIAN OTSAILETIK EKAINERA BITARTEKO IKASTALDIAN MATRIKULA EGITEKO EPEA

Hezkuntza eta Kultura Departamentuak MILUZE Euskaltegian bigarren ikastaldia (otsaila-ekaina) egiteko matrikula-datuak jakinarazten ditu: epea, otsailaren 4tik 7ra bitartean; ordutegia, goizez 9etatik 12:30era eta arratsaldean 17:30etik 19:30era; lekua, ikastegian bertan (Victoriano Juaristi, z/g, Sanduzelai); Telefonoak: 948 177670 eta 948 177654.

Eskolak otsailaren 18an hasiko dira eta ekainaren 14an bukatuko dira.

Ikastaro mota hauek eskaintzen dira:

LAU ORDUKO TRINKOAK. MAILA GUZTIAK:

Astelehenetik ostiralera

Goizean 9:00etatik 13:30ak arte.

Matrikula: 52,89 euro

BI ORDUKO IKASTAROAK. MAILA GUZTIAK:

Goizean: 8:00etatik 10:00etara

10:30etik 12:30era

Arratsaldean: 14:30etik 16:30era

16:45etik 18:45era

19:00etatik 21:00etara

Matrikula: 26,44 euro.

TXANDAKAKO LANGILEENTZAT. 1.A MAILA

Astelehenetik ostiralera

Goiz zein arratsaldean, txandaren arabera

Goizean, 9:30etik 11:30era eta arratsaldean, 18:00etatik 20:00etara.

Matrikula: 26,44 euro.

ALFABETATZEN: 19:00etatik 21:00etara. Matrikula: 26,44 euro.

EUSKARA HEGAN: hiru egun astean; 19:00etatik 21:00etara.

Matrikula: 15,63 euro.

MODALITATE MISTOA: Eskola presentzialak + autoikaskuntza.

Matrikula: 39,67 euro.

Ikasle berriek argazki bat ekarri eta mailakatze proba egingo dute. Proba horiek otsailaren 4tik 7ra egingo dira. Halaber, matrikulaz gain 16,23 euro ordaindu beharko dute.

Ikastaro bakoitzeko talde zein ikasle kopurua mugatua da.